



МЕМЛЕКЕТ БАСШЫСЫ ҚАСЫМ-ЖОМАРТ ТОҚАЕВТЫҢ ҚАЗАҚСТАННЫҢ ЖАҢА КОНСТИТУЦИЯСЫНЫҢ КҮШІНЕ ЕНУІНЕ ОРАЙ ҮНДЕУІ



**ҚҰРМЕТТІ ОТАНДАСТАР!
ЖАҢА КОНСТИТУЦИЯМЫЗДЫҢ ЗАҢДЫ КҮШІНЕ
ЕНУІ – БҮКІЛ ЕЛІМІЗ ҮШІН АЙРЫҚША МАҢЫЗДЫ ОҚИҒА.
БАРШАҢЫЗДЫ ШЫН ЖҮРЕКТЕҢ ҚҰТТЫҚТАЙМЫН!**

Бүгін тәуелсіз Қазақстан тарихының жаңа дәуірі басталады. Біз саяси-экономикалық реформалардың, ауқымды өзгерістердің және қарқынды дамудың даңғыл жолына түсеміз.

Осы ерекше күн еліміздің бүкіл саяси жүйесін, сондай-ақ мемлекеттің және азаматтық қоғамның негізгі институттарын түбегейлі жаңғырту кезеңі

басталғанын аңғартады.

15 наурызда өткен жалпыұлттық референдумда Қазақстан халқы ел тағдырына тікелей ықпал ететін және мемлекеттің ондаған жылдарға арналған даму бағдарын айқындайтын таңдауын жасады. Миллиондаған отандасымыз берекелі бірлік танытып, шынайы отаншылдық пен жоғары жауапкершіліктің озық үлгісін көрсетті. Бұл

тарихи шешімнің төл шежіремізде алтын әріппен жазылатыны анық.

Бұдан былай Конституция күні «Наурызлама» онкүндігімен қатар аталып өтеді. Мұның символдық мәні зор. Конституция күні ел ішінде ғасырлар бойы орныққан көктемгі жаңару дәстүрлерін Ата заңның басты қағидаттарымен тоғыстырады, яғни азаматтарымыздың ырысты ынтымаққа, озық білімге, ел игілігі жолында адал еңбек етуге деген талпынысымен үндеседі.

Біз нағыз Халық Конституциясының мызғымас құқықтық негізіне арқа сүйеп, барлық мақсат-мұраттарымызға міндетті түрде жетеміз. Заң мен Тәртіп, Еңбексүйгіштік пен Өрлеу, Тазалық пен Табиғатты аялау сынды жасампаздық құндылықтарын қоғамда берік орнықтырамыз. Бұған еш күмәнім жоқ.

Біз бірлігі бекем, біртұтас ұлт ретінде әлемдік өркениеттің шыңын бағындырып, баршаға бірдей мүмкіндік беретін және барлық азаматтың жан-жақты дамуына жол ашатын мемлекетті – Әділетті Қазақстанды құрамыз!

Қастерлі Отанымызды көркейту жолындағы жоспарларымызды ойдағыдай орындаймыз. Мен бұған кәміл сенемін!

Қазақстан Республикасы жасай берсін!

Халқымыз мәңгі жасасын!

ПРЕЗИДЕНТ ҚҰРЫЛТАЙДЫҢ АЛҒАШҚЫ САЙЛАУЫН ӨТКІЗУ ТУРАЛЫ ЖАРЛЫҚҚА ҚОЛ ҚОЙДЫ



ҚАЗАҚСТАН РЕСПУБЛИКАСЫ ҚҰРЫЛТАЙЫНЫҢ САЙЛАУЫН ТАҒАЙЫНДАУ ТУРАЛЫ

Қазақстан Республикасы Конституциясының 46-бабының 3) тармақшасына және 95-бабының 1-тармағына сәйкес **ҚАУЛЫ ЕТЕМІН:** Қазақстан Республикасы Құрылтайының депутаттарын сайлау 2026 жылғы 23 тамызға тағайындалсын.

Қазақстан Республикасының Орталық сайлау комиссиясы Қазақстан Республикасы Құрылтайының депутаттарын сайлауға дайындықты және оны өткізуді ұйымдастырсын.

Қазақстан Республикасының Үкіметі, астананың, облыстардың, республикалық маңызы бар қалалардың әкімдері Қазақстан Республикасы Құрылтайының депутаттарын сайлауды ұйымдастырушылық, материалдық-техникалық және қаржылық қамтамасыз ету жөніндегі барлық қажетті шараларды кідіріссіз қабылдасын.

Осы Жарлық жарияланған күнінен бастап қолданысқа енгізіледі.

Қазақстан Республикасының Президенті

Қ.ТОҚАЕВ

Астана, Акорда, 2026 жылғы 1 шілде
№1338.

2026 ЖЫЛҒЫ 1 ШІЛДЕДЕН БАСТАП ҚАЗАҚСТАН РЕСПУБЛИКАСЫНЫҢ КОНСТИТУЦИЯСЫ КҮШІНЕ ЕНДІ

**БҰЛ КҮН – ЕЛІМІЗДІҢ ДАМУЫНДАҒЫ
ЖАҢА КЕЗЕҢНІҢ БАСТАУЫ. МЕМЛЕКЕТТІК БАСҚАРУ
ЖҮЙЕСІН, ЖОҒАРЫ ӨКІЛДІ
БИЛІК ҚҰРЫЛЫМЫН ЖӘНЕ САЯСИ
ИНСТИТУТТАРДЫҢ ҚЫЗМЕТІН
ЖАҢҒЫРТУҒА БАҒЫТТАЛҒАН
АУҚЫМДЫ ӨЗГЕРІСТЕР ОРЫН
АЛАДЫ. АТА ЗАҢ АДАМ ҚҰҚЫҚТАРЫ
МЕН БОСТАНДЫҚТАРЫН
ҚОРҒАУДЫ КҮШЕЙТІП, ЖАҢА
ҚОҒАМДЫҚ ҚҰНДЫЛЫҚТАРДЫ
ОРНЫҚТЫРАДЫ, ЗАҢ ҮСТЕМДІГІ
МЕН ӘДІЛЕТТІЛІК ҚАҒИДАТТАРЫН
НЫҒАЙТУҒА ЫҚПАЛ ЕТЕДІ.
ЖАҢА КОНСТИТУЦИЯНЫҢ
НЕГІЗГІ ЖАҢАШЫЛДЫҚТАРЫНА
ТОҚТАЛАЙЫҚ. 1995 ЖЫЛҒЫ
ҚАЗАҚСТАН РЕСПУБЛИКАСЫ КОНСТИТУЦИЯСЫНЫҢ КҮШІ ЖОЙЫЛДЫ.**

Конституция Қазақстан Республикасы қызметінің негізгі қағидаттарын едәуір жаңартып, кеңейтті. Бұлардың қатарына Егемендік пен Тәуелсіздікті қорғау, адам құқықтары мен бостандықтарын сақтау, заң мен тәртіп үстемдігін қамтамасыз ету, жалпыұлттық бірлікті нығайту, халықтың әл-ауқатын арттыру, жауапты әрі жасампаз отаншылдық идеясын ілгерілету, қоғамдық диалогті дамыту, еңбексүйгіштік, прогресс



және білім құндылықтарын бекіту, жоғары экологиялық мәдениетті қалыптастыру, тарихи-мәдени мұраны сақтау және төл мәдениетті қолдау алғаш рет енгізіліп отыр.

Қазақстан Республикасының Егемендігі, Тәуелсіздігі, унитарлығы, аумақтық тұтастығы және басқару үлгісі өзгермейді.

Мемлекеттің стратегиялық даму бағдарлары – адам капиталын, білімді, ғылым мен инновацияны Қазақстан Республикасының ұзақ мерзімді дамуының негізі ретінде

дамыту конституциялық деңгейде алғаш рет айқындалды.

Қос палаталы Парламенттің орнына жаңа бір палаталы Парламент – Құрылтай құрылады, оның құрамына 145 депутат кіреді.

Қазақстан Республикасының Вице-Президенті институты құрылды. Қазақстан Халық кеңесіне заң шығару бастамасы құқығы беріле отырып, халқының мүддесін білдіретін жоғары консультативтік орган ретінде құрылды. Бұл қоғамның мемлекеттік саясатты қалыптастыру

ісіне қатысуын күшейтеді.

Ата заңымыз Конституция үстемдігін мемлекеттің Негізгі заңы ретінде, оның ең жоғары заңды күшін және Қазақстан Республикасының бүкіл аумағында тікелей қолданылуын бекітеді. Барлық заңдар мен өзге де нормативтік құқықтық актілер тек Конституцияның негізінде, сондай-ақ оны орындау мақсатында қабылдануға және оған қайшы келмеуге тиіс.

Адам құқықтарын қорғау үлгісі елеулі түрде жаңартылды. Конституция қылмыстық сот ісін жүргізудегі негізгі кепілдіктерді сот қызметінің қағидаттары ретінде емес, бас бостандығы нақты шектелген сәттен бастап барлық мемлекеттік органдар сақтауға міндетті әрбір адамның ажырамас құқықтары ретінде бекітті. Олардың қатарында нақты ұсталған сәттен бастап қорғалу құқығы, бас бостандықтың шектелуіне сот бақылауы, негізсіз ұстауға тыйым салу, сұрақтарға жауап бермеу құқығы, өз-өзіне және жақын туыстарына қарсы айғақ бермеу құқығы («Миранда қағидалары»), сондай-ақ кінәсіз презумпциясы бар.

Мемлекеттің мемлекеттік органдар мен лауазымды адамдардың заңсыз әрекеттерінен келтірілген зиянды өтеу міндеті, зияткерлік меншікті қорғау құқығы, дербес деректерді қорғау мен цифрлық қауіпсіздікті қоса алғанда, цифрлық құқықтарға кепілдіктер, сондай-ақ мемлекет пен азаматтардың экологиялық жауапкершілігі конституциялық деңгейде алғаш рет бекітілді.

Ortcom.kz

АУДИТ АНЫҚТАДЫ

«Ақтау қалалық жолаушылар көлігі және автомобиль жолдары бөлімі» ММ-да жүргізілген аудит нәтижелері туралы ақпарат

«АҚТАУ ҚАЛАЛЫҚ ЖОЛАУШЫЛАР КӨЛІГІ ЖӘНЕ АВТОМОБИЛЬ ЖОЛДАРЫ БӨЛІМІ» ММ-ДА ТӘУЕКЕЛДЕРДІ БАСҚАРУ ЖҮЙЕСІН ПАЙДАЛАНА ОТЫРЫП, БЮДЖЕТТІ АТҚАРУ ЖӨНІНДЕГІ ОРТАЛЫҚ УӘКІЛЕТТІ ОРГАННЫҢ АҚПАРАТТЫҚ ЖҮЙЕЛЕРІНІҢ МОНИТОРИНГ ДЕРЕКТЕРІНІҢ НЕГІЗІНДЕ МЕМЛЕКЕТТІК МЕКЕМЕЛЕРДІҢ ЖЫЛ ҚОРЫТЫНДЫСЫ БОЙЫНША, ЕҢ ҚАУІПТІ ТӨЛЕМДЕР БОЙЫНША БЮДЖЕТ ҚАРАЖАТЫН ПАЙДАЛАНУДЫҢ ҚАЗАҚСТАН РЕСПУБЛИКАСЫНЫҢ ЗАҢНАМАСЫНА СӘЙКЕСТІГІНЕ ҚАТЫСТЫ АУДИТОРЛЫҚ ІС-ШАРА ЖҮРГІЗІЛДІ.

Аудит нәтижесімен мекеме тарапынан Қазақстан Республикасының Бюджет кодексінің 41-бабы, 13-тармағына, Қазақ

стан Республикасы Қаржы министрінің «Қазақстан Республикасының 2025 қаржы жылына арналған бюджетті атқару және оған қассалық қызмет көрсету қағидаларын бекіту туралы» бұйрығының 7-параграфының 228-бабына, Қазақстан Республикасы Сауда және интеграция министрлігінің Техникалық реттеу және метрология комитеті төрағасының бұйрығына қайшы Шарттың 4.1, 4.2, 4.3, 4.4-тармақтарының талаптары сақталмай, жасалған азаматтық-құқықтық мәмілелерге сәйкес орындалған жұмыстардың дұрыстығы сақталмай 595 282,5 мың теңгеге бұзушылықтарға жол бергені анықталды.

Анықталған заңбұзушылықтарды жою және оларға жол берген тұлғалардың жауаптылығын қарау туралы нұсқама жолданып, бұзушылықтар жойылды, бұзушылықтарға жол берген жауапты тұлға тәртіптік жауапкершілікке тартылды.

Гульнар БЕРНИЯЗОВА, Маңғыстау облысы бойынша Ішкі мемлекеттік аудит департаментінің камералдық бақылау бөлімінің басшысы.

Мұнайлы ауданы әкімдігінің ҚАУЛЫСЫ

Мұнайлы ауданы №135-қ 1 шілде 2026 жыл

Мұнайлы ауданы, Атамекен ауылдық округінде орналасқан жер учаскелерін мемлекет мұқтажы үшін мәжбүрлеп иеліктен шығаруды бастау туралы

Қазақстан Республикасының Жер кодексінің 17, 84-баптарына, Қазақстан Республикасындағы жергілікті мемлекеттік басқару және өзін-өзі басқару туралы заңының 37-бабына, Атамекен ауылдық округі әкімінің 2026 жылғы 24 маусымдағы шығыс №01-15-407 санды хатына сәйкес Мұнайлы ауданының әкімдігі **ҚАУЛЫ ЕТЕДІ:**

- Мұнайлы ауданы, Атамекен ауылдық округінде көріз құрылысын салу үшін (су ағызу жүйесін (дренаж) қоса алғанда) осы қаулының қосымшасына сәйкес Мұнайлы ауданы, Атамекен ауылдық округінде орналасқан жер учаскелерін мемлекет мұқтажы үшін иеліктен шығару рәсімі басталсын.
- Осы қаулының қосымшасына сәйкес жер учаскелерді мемлекет мұқтажы үшін алып қоюға байланысты, мәжбүрлеп иеліктен шығару күні осы қаулының ресми жарияланған күнінен бастап 6 (алты) ай мерзім болып белгіленсін.
- Осы қаулыда көрсетілген меншік иелері келісім рәсімдерін жүзеге асыру үшін Мұнайлы ауданы әкімдігіне хабарласу ұсынылсын.
- «Мұнайлы аудандық жер қатынастары бөлімі» мемлекеттік мекемесі осы қаулыдан туындайтын шараларды қабылдасын.
- Осы қаулы қабылданған сәттен бастап 3 (үш) жұмыс күні ішінде Мұнайлы ауданы әкімдігінің интернет-ресурстарын қоса алғанда, республикалық немесе жергілікті бұқаралық ақпарат құралдарында жариялансын.
- Осы қаулының орындалуын бақылау аудан әкімінің орынбасары С.Канапинге жүктелсін.
- Осы қаулы қол қойылған күннен бастап қолданысқа енгізіледі.

Мұнайлы ауданының әкімі

Қ.ҚҰЛЖАНОВ

Мұнайлы ауданы әкімдігінің 2026 жылғы 1 шілдедегі №135-қ қаулысына қосымша

МЕМЛЕКЕТ МҰҚТАЖЫ ҮШІН МӘЖБҮРЛЕП ИЕЛІКТЕН ШЫҒАРЫЛАТЫН ЖЕКЕ МЕНШІК ҚҰҚЫҒЫНДАҒЫ ЖЕР УЧАСКЕЛЕРІНІҢ ТІЗІМІ

№	Жер учаскелерінің меншік иелері	Жер учаскесінің орналасқан жері	Жер учаскесінің кадастрлы нөмірі	Жер учаскесінің жалпы көлемі, га.
1	Картанова Кадыша Ирзабековна	Мұнайлы ауданы, Атамекен ауылдық округі, Атамекен ауылы, Арай тұрғын массиві, Қызғалдақ көшесі, №16 учаскесі	13-203-050-451	0,0684
2	Головин Андрей Владимирович	Мұнайлы ауданы, Атамекен ауылдық округі, Атамекен ауылы, Болашақ тұрғын массиві, Шапағат көшесі, №47 учаскесі	13-203-054-193	0,3035
3	Нұрадилов Джарылған Бахтыхалыевич	Мұнайлы ауданы, Атамекен ауылдық округі, Атамекен ауылы, Болашақ тұрғын массиві, Темір қазық көшесі, №189 учаскесі	13-203-054-465	0,0600
4	Бердиханова Венера Алимбаевна	Мұнайлы ауданы, Атамекен ауылдық округі, Атамекен ауылы, Болашақ тұрғын массиві, Самал көшесі, №254 учаскесі	13-203-054-069	0,0600
5	Кулканбаева Кулсин Сағынбаевна	Мұнайлы ауданы, Атамекен ауылдық округі, Атамекен ауылы, Көктем тұрғын массиві, №97 учаскесі	13-203-055-011	0,0600
6	Молдакулов Нұрадил Нұркасынович	Мұнайлы ауданы, Атамекен ауылдық округі, Атамекен ауылы, Қаламқас тұрғын массиві, №676 учаскесі	13-203-057-956	0,0600
7	Туркменбаев Наурызбай Шәкенович	Мұнайлы ауданы, Атамекен ауылдық округі, Атамекен ауылы, Қаламқас тұрғын массиві, №583 учаскесі	13-203-057-713	0,0600
8	Карасаев Нуркен Крымович	Мұнайлы ауданы, Атамекен ауылдық округі, Атамекен ауылы, Туған ел тұрғын массиві, Алау көшесі, №502 учаскесі	13-203-056-903	0,0632

Академик Е.А. Бөкетов атындағы Қарағанды Ұлттық зерттеу университеті Маңғыстау облысының мектеп бітіруші түлектеріне ҚР Үкіметі белгілеген квота шеңберінде 30 мамандықтар тобы бойынша 1000 білім гранттарына қатысады.

Білім грантына оқуға түсу үшін мамандықтың (мысалы, В044-Менеджмент немесе В057-Ақпараттық технологиялар) және университет кодын (мысалы, Қарағанды Бөкетов Ұлттық зерттеу университетінің коды – 031, шекті балл – 65) белгілесе болады. Толығырақ buketov.edu.kz сайтында. Бұл білім гранттары нысаналы гранттар ретінде ойнала- тындықтан, оған түсу үшін түлектер қалаған ЖОО-ны алғашқы орында белгілегенді абзал. Тел. 8-776-753-68-00 (Мемлекеттік лицензия: KZ55LAM00009976, ҚР Ғылым және жоғары білім министрлігінің Ғылым және жоғары білім саласындағы сапаны қамтамасыз ету комитеті 29.10.2025 ж. берілген).

Бұл бос орын сіздің ЖАРНАМАҢЫЗҒА АРНАЛҒАН

ТЕЛЕФОН: 20-48-42

ХАБАРЛАНДЫРУ

«TENGE Oil Gaz» ЖШС ҚР Экологиялық кодексінің 96-бабы талаптарына сәйкес Маңғыстау облысы, Жаңаөзен қаласы, Теңге ауылы, Ақтан Керейұлы көшесі, 41 «А» мекенжайында орналасқан «Атамұра» мәдениет үйінде ғимаратында 2026 жылғы 6 тамызда сағат 15:00-де «№3, 7, 10, 12, 34, 35, 101, 110, 111, 113, 114, 115, 119, 123 бақылау ұңғымаларын Теңге кен орнында өнімді горизонттардағы қабат қысымын ұстау жүйесі (ППД) үшін альб-сеноман суқаныққан гидрогеологиялық кешенінің техникалық жерасты суларын игеру мақсатында су алу (водозаборлық) қорына ауыстыру жобасына» қоршаған ортаны қорғау бөлімі және табиғатты қорғау іс-шарасының жоспары бойынша ашық жиналыс нысанында қоғамдық тыңдау өтетінін хабарлайды.

Zoom конференциясына сілтеме: <https://us06web.zoom.us/j/86978907691?pwd=NnUTcmRbmT7NiQTstdVbtbfA2MnIV.1>

Конференция идентификаторы: 869 7890 7691, кіру коды: 869988. Жергілікті атқарушы орган: Маңғыстау облысының Табиғи ресурстар және табиғат пайдалануды реттеу басқармасы», жауапты тұлға Сабина Базарбай, әл. пошта: s.bazarbay@mangystau.gov.kz, тел.: 8(7292) 46-21-31/12-10.

Жобалық құжаттама топтамасымен ақпараттық жүйе: <https://ndbecology.gov.kz/> және <https://www.gov.kz/memleket/entities/mangystaueco/activities/31827?parentId=31823&lang=ru> сайтында танысуға болады. Ескертулер мен ұсыныстар тыңдаулар басталғанға дейін 3 жұмыс күнінен кешіктірілмей келесі электрондық мекенжай бойынша қабылданады s.bazarbay@mangystau.gov.kz және <https://ndbecology.gov.kz/> сайтында.

Белгіленген қызметтің бастамашысы: «TENGE Oil Gaz» ЖШС, Жаңаөзен қаласы, өнеркәсіптік аймақ 5, №10 ғимарат, БСН: 150940022022, әл.пошта: tapatarova_82@mail.ru, Таңатарова А. тел. 8 702 2867782.

Жобаны жасақтаушы: «КазНИГРИ» ЖШС, Атырау қ., Өйтеке-би, 43 «А», БСН: 991240001478, әл.: info@kaznigri.kz, тел: 8(7122)763090.

Қосымша ақпаратты төмендегі электронды мекенжай бойынша алуға болады: zh.kalemova@kaznigri.kz, тел. 8(7122)763090 (217).

ХАБАРЛАНДЫРУ

«ECSAD» ЖШС 2026–2034 жылдарға арналған РЕШН, ҚББ, ӨЭББ және ТҚІШ жобаларына түзету енгізу бойынша қоғамдық тыңдаулар өтетіні туралы хабарлайды. Қалдықтарды қайта өңдеу кешені: Маңғыстау облысы, Түпқараған ауданы, «Ақтау – Форт-Шевченко» автомобиль жолының 52-шақырымы.

Қоғамдық тыңдау 2026 жылы 5 тамыз сағат 11:00-де өтеді. Өткізу орны: Маңғыстау облысы, Түпқараған ауданы, Сайын Шапағатов, Мәдениет үйі ғимаратында өтеді.

Онлайн қосылымға сілтеме: <https://us06web.zoom.us/j/89328968732?pwd=fUOs7l6MsLul8m6xgwIeV9rxtmcxRDa.1>

Конференция индификаторы: 893 2896 8732, Кіру коды: E123456 Тапсырыс беруші: «ECSAD» ЖШС, Ақтау қ., өнеркәсіптік аймақ-2, 22/2 ғимарат, тел: 87029598977, БСН: 070440008254.

Жобаны әзірлеуші: «Рекорд Консалт» ЖШС, БСН: 100740003476, Ақтобе қ., Маресьева 38 к., 2-қабат, 7-бөлме., тел.: 87014848005, әл.мекенжай: eco-rk@mail.ru.

Жергілікті атқарушы орган: «Маңғыстау облысының Табиғи ресурстар және табиғат пайдалануды реттеу басқармасы» ММ, жауапты тұлға Сабина Базарбай, әл. пошта: s.bazarbay@mangystau.gov.kz, тел.: +7 (778) 113-9897

Ескертулер мен ұсыныстар <https://ndbecology.gov.kz/> сайтында және s.bazarbay@mangystau.gov.kz электрондық поштасы арқылы қабылданады.

Жоба бойынша құжаттама <https://ndbecology.gov.kz/> ақпараттық жүйесінде және <https://www.gov.kz/memleket/entities/mangystau-eco/documents/> интернет-ресурсында орналастырылған.

Учаскенің географиялық координаттары: 44°094083 с.е., 51°023415 ш.б. Сайын Шапағатов ауылы географиялық координаттары: 43°50'09" с. е., 51°01'51" ш. б.

«ЖАЛҒЫЗТӨБЕМҰНАЙ» ЕЖШС келесі жобалар бойынша қоғамдық тыңдаулар өтетіні туралы хабарлайды:

- 2027–2029 ж. арналған рұқсат етілген шығарындылар нормативтері жобасы;
- 2027–2029 ж. арналған табиғат қорғау іс-шараларының жоспары;
- 2027–2029 ж. арналған өндірістік экологиялық бақылау бағдарламасы;
- 2027–2029 ж. арналған рұқсат етілген төгінділер нормативтері жобасы;
- 2027–2029 ж. арналған қалдықтарды басқару бағдарламасының жобасы.

Учаскенің және әсер ету аумағының географиялық координаттары: 45.029531, 51.376787.

Қоғамдық тыңдау: 2026 жылы 7 тамызында сағат 15:00-де өтеді.

Өтетін орны: Маңғыстау ауданы, Тұщықұдық ауылы, Тұщықұдық ауылдық мәдениет үйінде өтеді.

ZOOM платформасы: <https://us05web.zoom.us/j/84997652978?pwd=7nJRsG9xibay4GDzve0BVRdYeODTbH.1>

Конференция идентификаторы: 849 9765 2978

Қолжетімділік коды: 7M1fX4

Тұтынушы: «ЖАЛҒЫЗТӨБЕМҰНАЙ» ЕЖШС, БСН: 050340002312, Маңғыстау облысы, Ақтау қаласы, 19-шағынаудан, 8-ғимарат, тел.: 8 (7292) 30-28-76, .

Жобаны әзірлеуші: «AccuTest» ЖШС, БСН: 120840013619 тел./факс: 8 (7292) 20-31-84, e-mail: labtest64@gmail.com.

Құжаттама <https://ndbecology.gov.kz> порталында және <https://www.gov.kz/memleket/entities/mangystau-eco/documents> интернет-ресурсында орналастырылған.

Материалдарды сұратуға болатын электрондық пошта мекенжайы: labtest64@gmail.com.

Ескертулер мен ұсыныстар <https://ndbecology.gov.kz> ақпараттық жүйесінің сайтында және s.bazarbay@mangystau.gov.kz ЖАО электрондық пошта мекенжайында қабылданады.

«Батыс-Платина ломбард» ЖШС кепілге қойылып қайтарылмаған мүліктің сауда-саттығын хабарлайды.

Сауда-саттық өткізу әдісі: 2026 жылдың 31 шілде күні, сағат 10.00-14.00-де, 26-22-103 кеңсөде ағылшын тілі әдісі бойынша өтеді.